



## Gwrandawiadau brys a gwrandawiadau heb rybudd mewn perthynas â threfniadau plant

### Dylech fynychu MIAM cyn gwneud cais i'r Llys am orchymyn

Cyn gwneud cais i'r llys am orchymyn mewn perthynas â'ch plentyn neu blant, bydd rhaid i chi fynychu cyfarfod asesu a gwybodaeth am gyfryngu (y'i gelwir yn MIAM) yn gyntaf. Ni fydd y cyfarfod hwn yn dal eich cais yn ôl am amser hir, oherwydd dylid ei gynnal o fewn 15 diwrnod busnes ar ôl i chi gysylltu â chyfryngwr.

Gallwch ganfod cyfryngwr drwy'r Cyngor Cyfryngu Teuluol, os ewch ar eu gwefan fe ddylech allu canfod cyfryngwr yn eich ardal:

[www.familymediationcouncil.org.uk](http://www.familymediationcouncil.org.uk)

Fodd bynnag, mewn rhai amgylchiadau cyfyngedig, efallai na fydd rhaid i chi fynychu MIAM cyn gwneud cais, er enghraifft, pan allwch ddangos bod eich cais yn un brys, neu mae gennych dystiolaeth o drais domestig. (Mae eithriadau eraill, gweler rheol 3.8(1) RhTT) sydd ar gael yn [www.justice.gov.uk/courts/procedure-rules/family/rules\\_pd\\_menu](http://www.justice.gov.uk/courts/procedure-rules/family/rules_pd_menu)

### Os yw eich achos yn un brys, nid oes angen i chi fynychu MIAM

Os yw eich achos yn un brys, nid oes angen i chi fynychu MIAM. Fodd bynnag, rhaid i chi allu dangos un o'r canlynol.

1. Bod eich bywyd, rhyddid neu ddiogelwch corfforol mewn perygl, neu fywyd, rhyddid neu ddiogelwch corfforol aelod o'ch teulu, neu eich cartref mewn perygl;

Or

2. Bydd unrhyw oedi a achosir o ganlyniad i fynychu MIAM yn golygu bod:
  - a. eich bywyd, rhyddid neu ddiogelwch corfforol mewn perygl, neu fywyd, rhyddid neu ddiogelwch corfforol eich teulu, neu eich cartref mewn perygl;
  - b. risg o niwed i blentyn;

- c. risg y gellir cymryd plentyn yn anghyfreithlon o'r Deyrnas Unedig, neu fod risg y gall plentyn sydd y tu allan i Gymru neu Lloegr ar hyn o bryd gael ei gadw yn anghyfreithlon;
- d risg sylweddol y bydd camweinyddiad cyfiawnder;
- e. y byddech yn dioddef caledi afresymol;
- f. problemau anadferadwy wrth ddelio â'r anghydfod (gan gynnwys colled anadferadwy o dystiolaeth sylweddol); neu
- g. bod risg sylweddol yn y cyfnod y mae angen trefnu a mynychu MIAM, y bydd achosion sy'n berthnasol â'r anghydfod yn cael eu dwyn gerbron y llys mewn gwlad (neu wladwriaeth) arall, a gall llys yn y wlad arall honno wrando ar yr anghydfod a gwneud penderfyniadau cyn y llys yng Nghymru a Lloegr.

Os yw unrhyw un o'r amgylchiadau uchod yn berthnasol i chi, dylech dicio "Ydy" i gwestiwn 2b yn Adran 2 y ffurflen gais C100, a thicio'r blychau perthnasol yn adran 13c. Gallwch roi unrhyw wybodaeth berthnasol arall yn y blwch yn adran 4a o'r ffurflen. Yna, dylech roi'r ffurflen i'r staff yn y llys, a gofynnir i farnwr neu ynadon benderfynu pryd dylid cynnal gwrandawriad llys ynghylch eich cais.

## **Hyd yn oed os yw eich achos yn un brys, dylech ddweud wrth yr unigolyn arall eich bod yn gwneud cais.**

Pan fyddwch yn ceisio am orchymyn ar frys, dylech ddweud wrth y rhiant neu'r unigolyn arall y mae'r anghydfod wedi codi (yr atebydd) eich bod yn gwneud y cais. Gallwch wneud hyn yn anffurfiol, drwy ysgrifennu atynt, ffonio, anfon neges destun neu anfon e-bost atynt.

Dim ond mewn achosion eithriadol y bydd y llys yn gwrandao ar gais brys heb roi rhybudd i'r unigolyn arall. Fel arfer, cynhelir gwrandawriadau heb rybudd dim ond os allwch ddangos y byddai rhoi rhybudd i'r unigolyn arall yn:

1. eu galluogi i gymryd camau a fyddai'n trechu dibenion eich cais;
2. ni fyddech chi, neu'r plentyn (neu blant) yn ddiogel; neu
3. mae materion brys eithriadol eraill a all olygu nad oes amser i chi roi rhybudd. (Mae bron bob amser yn bosibl i roi rhybudd anffurfiol yn un o'r ffyrdd a nodir uchod.)

Os ydych yn gwneud cais brys heb rybudd, rhaid i chi roi cymaint o wybodaeth ag y gallwch am yr achos i'r barnwr neu ynadon. Mae hyn yn golygu bod rhaid i chi ddweud wrthynt am yr hyn sy'n peri pryder i chi (ac sydd wedi achosi i chi wneud y cais hwn), a'r holl bethau yr ydych yn credu y byddai'r unigolyn arall yn ei ddweud mewn ymateb pe byddent yn bresennol yn y llys. Mae lle gwag yn Adran 4(b) ar y C100 i chi wneud hyn.

Yn gyffredinol, bydd y llys ond yn gwneud gorchymyn 'heb rybudd' os ydych wedi darparu adroddiad llawn o'r dystiolaeth y byddwch yn dibynnu arni, wedi ei chadarnhau i fod yn wir, ac wedi'i llofnodi gennych chi. Gallwch wneud hyn yn adrannau 4(a) a 4(b) ar y ffurflen C100. Os ydych eisiau darparu rhagor o wybodaeth, gallwch wneud hyn mewn datganiad ysgrifenedig a ddylai gynnwys datganiad gwirionedd y mae'n rhaid i chi ei lofnodi. Yn ddelfrydol, dylai datganiadau ychwanegol gael eu teipio (er nid yw'n ofynnol) a dylai gynnwys ychydig o gefndir y cais, eglurhad pam fod angen i'r gorchymyn fod yn un brys, a disgrifiad o natur y gorchymyn yr ydych yn ei geisio.

Cewch ragor o wybodaeth am yr hyn y gallwch ei ddisgwyl yn y llys yn ffurflen CB7.